



# ჩვენი იუბილარი

ჩვენ ვხედავთ ჩვენს ლიტერატურულ ცხოვრებაში ისეთ მნიშვნელოვან მოვლენას, როგორც არის დაბადებიდან სამოცი წლისთავი გამოჩენილი პოეტის, მეცნიერის მკვლევარის, ნაყოფიერი საზოგადო მოღვაწის, აკადემიკოს გიორგი ლეონიძისა.

გ. ლეონიძე არის სიამაყე ქართული პოეზიისა. ის, ერთგული შეილი თავისი ლამაზი ქვეყნისა, მისი „ლამაზი მიწის მკოცნელი“, დაუცხრომლად უმღერას წინაპართა სისხლით გაჟღენთილ მიწას, მის მსუხვე ბარაქას, რომელსაც უხეად გვაცნობებს თავის სურნელოვან ლექსებში. ერთ ლექსში („მუხის ფოთლო“) პოეტი ამბობს: „ვეთქვი სიტყვა, ქართლის შესამკობარიო“. მას არა მარტო „ქართლის შესამკობარი“ სიტყვა უთქვამს — „შენს თვითველ ხეს, ბალახს ღეროს გოცნი, ვეხვევი, ვეტყვი: მიყვარხარ“, — ასე მიმართავს ის საშობლოს.

რომელი კუთხე, რომელი მთა ან ველი, რომელი მდინარე თავისი ქვეყნისა არ აუღაპარაყებია მას? რომელი ამბავი თავისი საშობლოს წარსულოდან, სამხიარულო იქნებოდა ის თუ სამგლოვიარო, მელოდიურად არ გაღმოუცია მას? რომელ მოვლენას განახლებული თავისი საშობლოსას არ აუტოვებია მისი გული?

პოეტური სიტყვა გ. ლეონიძისა ისე ამოუწურავია, როგორც განუზომელია მისი სიყვარული საშობლოსადმი. ამაზე ამ დღეებში არა ერთი და ორი სტრიქონი და ნარკვევი დაიწერება, თუმცა მისი პოეტური ნიჭის სიღრმეს საფსებით ჭერ ვერაფერს ჩასწვდება. და ეს არც გასაკვირველია, მას ხომ ჭერ არ დაუსრულებია თავისი შემოქმედებითი ასპარეზი, რამდენ მარგალიტს ამოიღებს ის კიდევ თავისი მდიდარი საუნჯიდან?

ჩვენთვის, მეცნიერ მუშაკთათვის, არანაკლებ საინტერესოა მეორე მხარე გ. ლეონიძის მოღვაწეობისა. მის პიროვნებაში ერთმანეთს შეხედნენ დიდი პოეტი და გამოჩენილი მკვლევარი, რომელიც დღეს ამშვენებს მეცნიერებათა აკადემიის რიგებს და მეთაურობს ქართული ლიტერატურათმცოდნეობის ინსტიტუტს. თავის საშობლოს ის უმღერის არა მარტო მომაჯადოებელი ლექსებით, არამედ ღიანი მკვლევარის კალმითაც. არ არის თითქმის არცერთი მნიშვნელოვანი საკითხი ჩვენი ქვეყნის წარსულისა, რომელსაც ის ისტორიკოსის თვალთ არ შეხებოდა. მის სქელტანიან გამოკვლევებში თუ უამრავ საგანზეო და საუბრანლო წერილებში ის დაუღალავად ეძიებს გაღასული ცხოვრების „სიმართლეს“, ეტრფის რაინდულად მოქნეულ ხმალს და ბრძნულად მოსპულ კალამს. ჩვენთვის დუფასებელია იუბილარის „ძიებანი“ ლიტერატურის ისტორიის, როგორც ძველის, ისე ახლის დარგში. უახლესი, საბჭოთა ლიტერატურა ხომ თვითონ არის!

რამდენი ახალი ცნობა და ხელნაწერი მოგვიპოვა მან ჩვენი ძველი ლიტერატურის ისტორიიდან, რამდენი მნიშვნელოვანი პრობლემა წამოაყენა მან თავის კაპიტალურ გამოკვლევებში, რომლებშიც გაცოცხლებულია მამუკა ბარათაშვილი, იოსებ თბილელი, სულხან-საბა ორბელიანი, შაჰნავაზი, ბესიკი, დავით გურამიშვილი, სიათ-ნოვა და სხვ.?! არას ვამბობ მისი მუშაობის შესახებ საგანგებო ზუსტელოლოგიის დარგში: ნარკვევების გარდა ის აქ მის მიერ მოპოვებულ პოემის უძველეს ნუსხებსაც კი გვთავაზობს. მეცნიერული კვლევა-ძიების საქმეში მარტო ის კი არ არის დასაფასებელი, თუ რა დადებითი შედეგი მიიღო მკვლევარმა, არამედ ისიც, რამდენად დაინტერესა მან სხვა მკვლევარი და რამდენად წარმართა ის შემდგომი კვლევისათვის. ამ მხრივ გ. ლეონიძის საქმიანობა დაუფასებელია, რადგანაც ის მუდამ აღვიძებს მეცნიერულ აზრს და ეწევა წინ.

ასეთია ზოგად ხაზებში პოეტური და მეცნიერული პროფილი დღევანდელი ჩვენი იუბილარისა. დღევარძელობა, სიცოცხლე და ყველა კარგ საქმესა და წამოწყებაში გამარჯვება ჩვეწს სახელოვან მგოსანს.

პორნელი კეკელიძე.

